

til laga um breytingu á lögum nr. 22, 8. okt. 1883, um bæjarstjórn á Akureyri, og lögum nr. 43, 11. júlí 1911, um breytingu á þeim lögum.

(Eftir 3. umr. i Nd.)

Í stað 1. gr., 3. gr., 4. gr., 5. gr., síðasta málsl. í 8. gr., 1. málsggr. í 11. gr., 1. málsl. í 12. gr., 13. gr., 15. gr., 19. gr., 20. gr. og 1. gr. laga nr. 43, 11. júlí 1911, 3. málsl. 1. málsggr. í 21. gr., síðasta málsl. í 25. gr., 29. gr. og 2. gr. laga nr. 43, 11. júlí 1911, og 30. gr. laga nr. 22, 8. okt. 1883, um bæjarstjórn á Akureyri, komi svo hljóðandi greinar:

#### 1. gr.

(1. gr. laga 8. okt. 1883).

Málefnum kaupstaðarins skal stjórnad af bæjarstjórn. Í henni eru kosnir bæjarfulltrúar auk bæjarstjóra, sem er oddviti hennar.

Bæjarstjórnin kýs sjer forseta á fundum úr flokki bæjarfulltrúanna.

Bæjarstjórnin kýs bæjarstjóra til 3 ára í senn, og ákveður laun hans og skrifstofusje, er hvortveggja greiðist úr bæjarsjóði.

Bæjarstjóri hefir því að eins atkvæðisrjett, að hann sje jafnframt bæjarfulltrúi.

#### 2. gr.

(3. gr. laga 8. okt. 1883).

Bæjarfulltrúar skulu vera 11 að tölu. Þó getur stjórnarráðið breytt tölu þeirra eftir tillögu bæjarstjórnarinnar. Skulu bæjarfulltrúarnir kosnir af þeim bæjarbúum, sem kosningarrjett hafa eftir lögum þessum.

#### 3. gr.

(4. gr. laga 8. okt. 1883).

Kosningarrjett hafa allir bæjarbúar, konur og karlar, sem eru 25 ára að aldri og hafa átt lögheimili í bænum 1 ár þegar kosning fer fram, og fullnægja að öðru leyti skilyrði fyrir kosningarrjetti til Alþingis.

Kjörgengur er hver sá, er kosningarrjett hefir. Þó mega hjón aldrei sitja samtímis í bæjarstjórn, eigi heldur foreldrar og börn nje móðurforeldrar eða söðurforeldrar og barnabörn þeirra. Heimilt er konu jafnan að skorast undan kosningu.

#### 4. gr.

(5. gr. laga 8. okt. 1883).

Bæjarfulltrúar skulu kosnir til 6 ára, 4 annað hvert ár á 4 fyrstu árum kjörtímabils og 3 á 2 síðustu árunum. Í janúar næstum eftir kosningu bæjarstjórnar samkvæmt 1. gr., skulu þó fulltrúar kosnir fullri tölu. Fara

4 þeirra frá eftir 2 ár, aðrir 4 eftir 4 ár, allir eftir hlutkesti, og 3 eftir 6 ár. Fari fulltrúi af öðrum ástæðum frá á kjörtímabilinu, skal kjósa í hans stað fyrir þann tíma, sem eftir er af því.

5. gr.

(Siðasti málslíður 8. gr. laga 8. okt. 1883).

Sá, sem gegnt hefir fulltrúastörfum í 6 ár eða lengur, er eigi skyldur að takast þá sýslu á hendur astur, fyr en eftir jafnlangan tíma og hann hafði áður verið fulltrúi.

6. gr.

(1. málsg. 11. gr. laga 8. okt. 1883).

Forseti bæjarstjórnarinnar stjórnar umræðum á fundum og sjer um, að það, sem ályktað er, sje rjett ritað i gerðabókina.

7. gr.

(1. málslíður 12. gr. laga 8. okt. 1883).

Virðist bæjarstjóra, að einhver ákvörðun bæjarstjórnarinnar gangi út fyrir vald hennar, eða hún sje gagnstæð lögum eða skaðleg fyrir kaupstaðinn, eða að hún miði til að færast undan skyldum þeim, er á kaupstaðnum hvíla, má hann fella ályktunina úr gildi að sinni, með því að rita álit sitt i gerðabókina.

8. gr.

(13. gr. laga 8. okt. 1883).

I öllum málefnum um uppeldi og fræðslu barna hefir formaður skólanefndarinnar sæti og tillögurjett á fundum bæjarstjórnarinnar, en atkvæðisrjett því að eins, að hann sje bæjarfulltrúi.

9. gr.

(15. gr. laga 8. okt. 1883).

Bæjarstjórn ræður hafnarmálum bæjarfjelagsins samkvæmt hafnarlögum.

10. gr.

(19. gr. laga 8. okt. 1883).

Niðurjöfnun eftir efnum og ástæðum nær til allra, sem hafa lögheimili eða hafa fast aðsetur í bænum eigi skemur en 3 mánuði. Þeir skulu greiða þar fult gjald eftir öllum efnahag sinum, nema þeir á gjaldárinu hafi líka haft fast aðsetur annarstaðar og goldið þar útsvar; þá skal frá útsvarinu draga tiltölulega við þann tíma, er þeir dvöldu annarstaðar, þó ekki meira en þeir guldú þar.

Á hverskonar atvinnu, sem rekin er í bænum og talin er sjerstaklega arðsöm, svo sem verslun eða kaupskap eða þilbátautgerð, má gjald leggja, þótt ekki sje rekin nema 8 vikur og atvinnurekandinn eigi heimili annarstaðar. Á sildveiði og sildarverkun í kaupstaðnum eða á höfninni, og lóðarafnot, sem einhvern arð gefa, má gjald leggja, þótt sú atvinna sje rekin enn styttri tíma. Á kaupfjelög og pöntunarfjelög má leggja útsvar, ef þau hafa

leyst borgarabréf og hafa sölubúð og vörur til sölu, svo sem hæfa þykir eftir árlegri veltu og arði í söludeild félagsins.

Heimilt er niðurjöfnunarnefnd að krefjast þess, að borgarar bæjarins sendi henni, á þar til gerðum eyðublöðum, skýrslu um árstækjur sínar og aðrar upplýsingar um efni þeirra og ástæður. Skyld er nefndinni og bæjarstjórninni að halda þessum upplýsingum leyndum.

#### 11. gr.

(20. gr. laga 8. okt. 1883 og 1. gr. laga 11. júlí 1911).

Sjö manna nefnd skal jafna niður gjöldum eftir efnum og ástæðum.

Um kosningarrétt og kjörgengi til þessarar niðurjöfnunarnefndar gildir hið sama, sem á er kveðið um kosningarrétt og kjörgengi til bæjarstjórnar. Nefndarmenn eru kosnir til 6 ára, og skal kosning fram fara í septembermánuði. Af þeim, sem kosnir voru í fyrsta skifti, fara 3 frá að 3 árum liðnum. Skal það, hverjir frá fara, vera komið undir samkomulagi, en verði því eigi á komið, skal hlutkesti ráða. Siðan fara frá á hverjum 3 ára fresti til skiftis 4 og 3 nefndarmenn. Um kosningaraðferðina í nefnd þessa gildir hið sama, sem fyr segir um kosning í bæjarstjórn, að svo miklu leyti, sem við getur átt.

Enginn, sem skyldur er að taka móti kosningu í bæjarstjórnina, getur skorast undan að taka móti kosningu í niðurjöfnunarnefndina, nema bæjarfulltrúarnir. Hver sá, er verið hefir 6 ár eða lengur samfleytt í nefndinni, er og undanþeginn starfa þessum jafnlengi og hann hefir í henni verið. Enginn má á sama tíma sitja í niðurjöfnunarnefnd og í bæjarstjórn.

Niðurjöfnunarnefndin kýs sjer sjálf oddvita úr sinum flokki, og gildir hið sama um ályktanir hennar og atkvæðagreiðslu sem um bæjarstjórnina (11. gr.).

#### 12. gr.

(3. málsl. 1. málsg. 21. gr. laga 8. okt. 1883).

Bæjarstjórin má ákveða, að aukaniðurjöfnun skuli fram fara, er þess þykir þörf, og skulu skattar þá lagðir á þá, sem flutt hafa sig til kaupstaðarins eða rekið þar atvinnu eftir að aðal-niðurjöfnun fór fram, og skyldir eru til að greiða skatt.

#### 13. gr.

(Siðasti málsl. 25. gr. laga 8. okt. 1883).

Bæjarstjóri ávisar útgjöldum kaupstaðarins samkvæmt reglum þeim, er þar um eru settar í samþyktni um stjórn málefna kaupstaðarins.

#### 14. gr.

(29. gr. laga 8. okt. 1883 og 2. gr. laga 11. júlí 1911).

Pegar við lok hvers reikningsárs skal gjaldkeri semja reikning yfir allar tekjur og gjöld kaupstaðarins bið umliðna árið og senda bæjarstjóranum fyrir lok janúarmánaðar; lætur bæjarstjórin reikning þenna liggja öllum kaupstaðarbúum til sýnis, og skal um þetta, og um hvernig slikt sje birt, farið að á sama hátt og fyrir er mælt að framan, í 21. gr., um niðurjöfnunina. Reikningurinn sje því næst vandlega yfirfarinn af 2 yfirskoðunarmönnum, er kosnir sjeu af kaupstaðarbúum þeim, er samkvæmt 4. gr. hafa kosningarrétt; skulu þeir kjörnir á sama hátt og fulltrúarnir, og hafa það starf á hendi um 3 ár.

Skoðunarmenn skulu hafa lokið rannsókn sinni á reikningnum innan mánaðar frá því þeir fengu hann. Þegar gjaldkeri er búinn að svara athugasemdum þeirra, en það skal hann hafa gert innan hálfss mánaðar, skal leggja reikninginn, ásamt athugasemdum skoðunarmanna og svari gjaldkera, fyrir bæjarstjórnina, er leggur úrskurð sinn á athugasemdir yfirskoðunarmanna og veitir bæjargjaldkera kvittun; þó má enginn taka þátt í úrskurði á athugasemd, sem snertir þau bæjarstörf, er honum hafa verið sjerstaklega falin á hendur (2. gr.). Nú vill reikningshaldari eða annar, sem hlut á að máli, eigi viðurkenna að úrskurður bæjarstjórnarinnar sje rjettur, enda leggi úrskurðurinn honum peningaábyrgð á hendur, og má hann halda málinu til dóms og laga. Yfirskoðunarmönnum er og skylt að endurskoða reikninga þeirra sjóða og stofnana, er bæjarstjórnin hefir umsjón með.

Pegar búið er að endurskoða og leggja úrskurð á reikning gjaldkera, á að birta á prenti ágrip af honum, er bæjarstjórninn semji; á ágrip það að vera svo fullkomið, að til sjeu greind öll aðalatriði í tekjum og gjöldum kaupstaðarins.

#### 15. gr.

(30. gr. laga 8. okt. 1883).

Innan loka septembermánaðar ár hvert skal senda stjórnarráðinu reikning fyrir hið umliðna reikningsár með athugasemdum yfirskoðunarmanna og úrskurðum bæjarstjórnarinnar á þeim. Komist stjórnarráðið að því, þá er það yfirfer reikninginn eða á annan hátt, að bæjarstjórnin hafi viðhaft ólögmæt gjöld, neitað að greiða þau gjöld, sem löglega hvila á kaupstaðnum, eða á annan hátt beitt ranglega valdi sinu, skal það gera þær ráðstafanir, er við þarf, og ef nauðsyn ber til, getur það með lögsókn komið ábyrgð á hendur þeim bæjarfulltrúum, er hafa átt þátt í þessum ályktunum.

(Á eftir 30: gr. laga 8. okt. 1883 komi eftirfarandi 2 greinar):

#### 16. gr.

Með samþykt bæjarstjórnarinnar, staðfestri af stjórnarráðinu, má ákveða, að sjerstökum málfnum kaupstaðarins skuli stjórnað af föstum nefndum, og skal í samþyktnni tiltekið nánara um skipun þeirra, verksvið og vald.

#### 17. gr.

Bæjarstjórn lætur fram fara leynilega atkvæðagreiðslu kjósenda um, hvort bæjarstjóri skuli kosinn í stað bæjarfógeta.

Sje samþykt með meiri hluta greiddra atkvæða, að svo skuli gert, ganga 2., 3. og 4. gr. laga þessara i gildi 1. janúar næstan á eftir. Að öðru leyti öðlast þau gildi 1. júlí s. á. 31. gr. laga nr. 22, 8. okt. 1883, falli niður.